



大悲心陀羅尼經 第六卷 觀世音菩薩

明成祖御製大悲總持經咒序

朕聞觀自在菩薩誓願入微塵國土拯救一切有情離諸苦趣故說是無量功德總持經咒世間善男子善女人一切眾生衷心至誠持誦佩服此經咒者種種惡趣種種苦害咸相遠離咸得圓融超登妙道若此海彼常濡下風吹觸者釋障消瘴其勝果非但耳之所聞實目之所親明効大驗者也若智愚福德之士根器深厚堅持佩誦勤行不輟又能廣為演說是經咒功德不可思議善惡福不信者亦心生信群亦得同起佛境真實不誣夫觀世音菩薩願弘深資大慈心以濟度羣生朕君臨天下閱眾情之昏瞶墜五濁而不知以此經咒用是士使覺悟提撕俾一切庶類皆起佛域又况如來化導首重忠孝凡忠臣孝子能盡心以事君竭力以事親所作所為無私智德行廣積陰功濟人利物又能誦誦是經咒則跬步之間即見如來若彼不忠不孝不知敬畏則鬼神所錄陰加譴罰轉瞬之間即成地獄善善惡惡兩途由人所趨凡我眾庶宜慎取舍書此以為勸

永樂九年辛卯六月

日

持誦要訣

一 凡持誦是咒者。不拘宰官士庶。男婦老幼。道士僧尼。當守戒律。竭忠於君。孝養父母。不殺不盜。不淫不妬。不嗔不恨。不驕不詐。不綺言妄語。不惡口毒舌。尊重是咒。敬而信之。如獲至寶。自然所求如意。所願遂心。功德不可思議。

一 凡持誦是咒者。先念經中南無大悲觀世音。願我速知一切法。云云。再念南無大悲觀世音。菩

薩十聲。南無阿彌陀佛十聲。欲求某事。即觀想圖中某手眼寶相。至心持誦。虔誠拜禱。無不應。

一 凡持誦是經者。必須菴觀寺院之內。廣設壇場。作種種佈施。供養潔淨身心。焚修叩禮。乃為盡善。次則家庭靜室。洒掃嚴潔。焚香供養。方可誦持。又或力不從心。即望空一香。按日持誦。但辨誠心。自得感應之應。甚至舟車鞍馬。旅舍市廛。

不及焚香無由禮拜之處。只於每日清晨盥洗之後。至心望空虔誦五遍。勿令間斷。大悲威神之力。亦無有不感應者。

一凡持誦是咒者。當悟經中所云。廣宣流布。莫令斷絕。二句。或印施。或抄寫。或口授。務令此咒普為流傳。輾轉濟度。功德無量。

一持此神妙大陀羅尼之人。必由夙世已曾供養諸佛。廣植善根。始能信心受持。是人功德已無

量無邊。獲福亦不可思議。但始勤終怠。修行人所忌。懷不信心。罪業更深。經云。於咒生疑者。乃至小罪輕業。亦不得滅。何況重罪。普願同志善友。信心堅固。善果圓成。實厚望焉。

開經偈

無上甚深微妙法

百千萬劫難遭遇

我今見聞得受持

願解如來真實義

千手千眼觀世音菩薩廣大圓滿無礙大悲心陀羅
尼經

唐西天竺沙門伽梵達摩 譯

如是我聞。一時釋迦牟尼佛。在補陀落迦山觀世音
宮殿寶莊嚴道場中。坐寶師子座。其座純以無量雜
摩尼寶而用莊嚴。百寶幢幡周匝懸列。

爾時如來於彼座上。將欲演說總持陀羅尼故。與無
央數菩薩摩訶薩俱。其名曰。

總持王菩薩

寶王菩薩

樂王菩薩

樂上菩薩

觀世音菩薩

大勢至菩薩

華嚴菩薩

大莊嚴菩薩

寶藏菩薩

德藏菩薩

金剛藏菩薩

虛空藏菩薩

彌勒菩薩

普賢菩薩

文殊師利菩薩

如是等菩薩摩訶薩。皆是灌頂大法王子。

又與無量無數大聲聞僧。皆行阿羅漢十地。摩訶迦葉而為上首。

又與無量梵摩羅天。善吒梵摩而為上首。

又與無量欲界諸天子俱。瞿婆伽天子而為上首。

又與無量護世四王俱。提頭賴吒而為上首。

又與無量天龍夜叉。乾闥婆。阿修羅。迦樓羅。緊那羅。

摩睺羅伽。人非人等俱。天德大龍王而為上首。

又與無量欲界諸天女俱。量目天女而為上首。

又與無量虛空神。江海神。泉源神。河沼神。藥草神。樹林神。舍宅神。水神。火神。地神。風神。土神。山神。石神。宮殿等神。皆來集會。

時觀世音菩薩於大會中。密放神通。光明照耀十方剎土。及此三千大千世界。皆作金色。天宮龍宮。諸尊神宮。皆悉震動。江河大海。鐵圍山。須彌山。土山。黑山。亦皆大動。日月珠火。星宿之光。皆悉不現。

於是總持王菩薩見此希有之相。怪未曾有。即從坐起。叉手合掌。以偈問佛。如此神通之相。是誰所放。以偈問曰。

誰於今日成正覺。	普放如是大光明。
十方剎土皆金色。	三千世界亦復然。
誰於今日得自在。	演放希有大神力。
無邊佛國皆震動。	龍神宮殿悉不安。
今此大眾咸有疑。	不測因緣是誰力。

為佛菩薩大舉聞。 為梵魔天諸釋等。

惟願世尊大慈悲。 說此神通所由以。

佛告總持王菩薩言。善男子。汝等當知。今此會中。有
一菩薩摩訶薩。名曰觀世音自在。從無量劫來。成就
大慈大悲。善能修習無量陀羅尼門。為欲安樂諸眾
生故。密教如是大神通力。佛說是語已。

爾時觀世音菩薩。從座而起。整理衣服。向佛合掌。白
佛言。世尊。我有大悲心陀羅尼咒。今當欲說。為諸眾

生。得安樂故。除一切病故。得壽命故。得富饒故。滅除
一切惡業重罪故。離障難故。增長一切白法諸功德
故。成就一切諸善根故。遠離一切諸怖畏故。速能滿
足一切諸希求故。惟願世尊。慈悲聽許。

佛言。善男子。汝大慈悲。安樂眾生。欲說神咒。今正是
時。宜應速說。如來隨喜。諸佛亦然。

觀世音菩薩。重白佛言。世尊。我念過去無量億劫。有
佛出世。名曰千光王靜住如來。彼佛世尊。憐念我故。

及為一切諸眾生故。說此廣大圓滿無礙大悲心陀羅尼。以金色手摩我頂上。作如是言。善男子。汝當持此心咒。普為未來惡世一切眾生。作大利樂。我於是時。始住初地。一聞此咒。故超第八地。我時心歡喜。故即發誓言。若我當來。堪能利益安樂一切眾生者。令我即時。身生千手千眼具足。發是願已。應時。身上千手千眼悉皆具足。十方大地。六種震動。十方千佛。悉放光明。照觸我身。及照十方無邊世界。從是已後。復

於無量佛所。無量會中。重更得聞。親承受持。是陀羅尼。復生歡喜。踊躍無量。使得超越無數億劫微細生死。從是已來。常所誦持。未曾廢忘。由持此咒。故所生之處。恆在佛前。蓮花化生。不受胎藏之身。若有比丘。比丘尼。優婆塞。優婆夷。童男童女。欲誦持者。於諸眾生。起慈悲心。先當從我。發如是願。

南無大悲觀世音。願我速知一切法。

南無大悲觀世音。願我早得智慧眼。

南無大悲觀世音。	願我速度一切眾。
南無大悲觀世音。	願我早得善方便。
南無大悲觀世音。	願我速乘般若船。
南無大悲觀世音。	願我早得越苦海。
南無大悲觀世音。	願我速得戒定道。
南無大悲觀世音。	願我早登涅槃山。
南無大悲觀世音。	願我速會無為舍。
南無大悲觀世音。	願我早同法性身。

我若向刀山。	刀山自摧折。
我若向火湯。	火湯自消滅。
我若向地獄。	地獄自枯竭。
我若向餓鬼。	餓鬼自飽滿。
我若向修羅。	惡心自調伏。
我若向畜生。	自得大智慧。

發是願已至心稱念我之名字亦應專念我本師阿彌陀如來然後即當誦此陀羅尼神咒一宿誦滿五

遍除滅身中百千萬億劫生死重罪。

觀世音菩薩復白佛言。世尊。若諸人天誦持大悲章句者。臨命終時。十方諸佛。皆來授手。欲生何等佛土。隨願皆得往生。

復白佛言。世尊。若諸眾生誦持大悲神咒。墮三惡道者。我誓不成正覺。誦持大悲神咒者。若不生諸佛國者。我誓不成正覺。誦持大悲神咒者。若不得無量三昧辯才者。我誓不成正覺。誦持大悲神咒者。於現在

生中一切所求。若不果遂者。不得為大悲心陀羅尼也。惟除不善。除不至誠。若諸女人厭賤女身。欲成男子身。誦持大悲陀羅尼章句。若不轉女身成男子身者。我誓不成正覺。生少疑心者。必不果遂也。若諸眾生。侵損常住飲食財物。于佛出世。不通懺悔。縱懺亦不除滅。今誦大悲神咒。即得除滅。若侵損食用常住飲食財物。要對十方師懺謝。然後除滅。今誦大悲陀羅尼時。十方師即來為作證明。一切罪障悉皆消滅。

一切十惡五逆。謗人誣法。破齋破戒。破塔壞寺。偷僧
祇物。汙淨梵行。如是等一切惡業重罪。悉皆滅盡。惟
除一事。於咒生疑者。乃至小罪輕業。亦不得滅。何況
重罪。雖不即滅重罪。猶能遠作菩提之因。

復白佛言。世尊。若諸人天。誦持大悲心咒者。得十五
種善生。不受十五種惡死也。其惡死者。一者不令其
飢餓困苦死。二者不為枷禁杖楚死。三者不為冤家
讐對死。四者不為軍陣相殺死。五者不為虎狼惡獸

殘害死。六者不為毒蛇蠚蠍所中死。七者不為水火
焚漂死。八者不為毒藥所中死。九者不為蠱毒害死。
十者不為狂亂失念死。十一者不為山樹崖岸墜落
死。十二者不為惡人厭魅死。十三者不為邪神惡鬼
得便死。十四者不為惡病纏身死。十五者不為非分
自害死。誦持大悲神咒者。不被如是十五種惡死也。
得十五種善生者。一者所生之處。常逢喜王。二者常
生善國。三者常值好時。四者常逢善友。五者身根常

得具足。六者道心純熟。七者不犯禁戒。八者所有眷屬恩義和順。九者資具財食常得豐足。十者恆得他人恭敬扶接。十一者所有財寶無他劫奪。十二者意欲所求皆悉稱遂。十三者龍天喜神恆常擁衛。十四者所生之處見佛聞法。十五者所聞正法悟甚深義。若有誦持大悲心陀羅尼者得如是等十五種善生也。一切天人應常誦持勿生懈怠。觀世音菩薩說是語已於眾會前合掌正住於諸眾

生起大悲心開顏含笑即說如是廣大圓滿無礙大悲心陀羅尼神妙章句。

陀羅尼曰

南無喝囉怛那哆囉夜哪。通作耶 下做此 南無阿唎哪。
 娑盧羯帝爍鉢囉哪。菩提薩路 通作婁 下做此 娑哪。摩訶薩路婆哪。
 摩訶迦盧尼迦哪。通作耶 下做此 唵。薩婆囉罰曳。數怛那怛寫。南無悉吉利。通作埤 下做此 依蒙阿唎耶。娑盧吉帝室佛囉嚧馱娑。南無那囉謹

舞。醢醢喇摩訶。薩婆阿他豆輸朋。
 阿逝孕。薩婆薩哆那摩婆薩。舊本失那摩婆伽。
 摩罰特豆。怛姪他。唵阿婆盧醢。盧迦帝。
 迦羅通作帝。夷醢喇。摩訶菩提薩埵。薩婆薩
 婆。摩羅下通作囉。摩醢摩醢喇馱孕。俱盧
 俱盧羯蒙通作蒙。度盧度盧利闍耶帝。摩訶罰闍
 耶帝。陀陀羅陀羅。地利尼。室佛囉耶。遮羅
 下通作囉。遮羅。摩摩甲受持。罰摩羅。穆帝囉。

伊醢移通作伊。醢。室那室那。阿囉唵佛囉舍利。
 罰沙罰唵。佛囉囉舍耶。呼嚧下通作嚧。呼嚧摩
 囉。呼嚧呼嚧醢利。娑囉娑囉。悉利悉利。蘇
 嚧蘇嚧。菩提夜菩提夜。菩馱夜菩馱夜。彌帝
 利夜。那囉謹墀。地利通作瑟尼。波通作夜。
 摩那。娑婆訶。悉陀夜。娑婆訶。摩訶悉陀夜。
 娑婆訶。悉陀喻藝。室嚧囉夜。娑婆訶。那
 囉謹墀。娑婆訶。摩囉那囉。娑婆訶。悉囉通。

魯僧阿穆佉耶。娑婆訶。娑婆摩訶阿悉陀夜。
 娑婆訶。者吉囉阿悉陀夜。娑婆訶。波陀摩鷄
 悉哆陀通作夜。娑婆訶。那囉謹羯囉伽囉耶。娑
 婆訶。摩婆利勝鷄囉夜。娑婆訶。南無喝囉怛
 那哆囉夜哪。下通作耶。南無阿利耶。婆嚧通作吉
 帝。爍皦囉夜。娑婆訶。唵悉殿都。曼哆通作
 囉。鉢通作馱通作耶。娑婆訶。
 觀世音菩薩說此咒已大地六變震動天雨寶華續

紛而下。十方諸佛悉皆歡喜。天魔外道恐怖毛豎。一
 切眾會皆獲果證。或得須陀洹果。或得斯陀含果。或
 得阿那含果。或得阿羅漢果者。或得一地。二地。三地。
 四地。五地。乃至十地者。無量眾生發菩提心。
 爾時大梵天王從座而起。整理衣服。合掌恭敬。白觀
 世音菩薩言。善哉大士。我從昔來。經無量佛會。聞種
 種法。種種陀羅尼。未曾聞說如此無礙大悲心。大悲
 陀羅尼神妙章句。惟願大士。為我說此陀羅尼形貌。

狀相。我等大眾願樂欲聞。

觀世音菩薩告梵王言。汝為方便利益一切眾生故。作如是問。汝今善聽。吾為汝等略說少耳。

觀世音菩薩言。大慈悲心是平等心。是無為心。是無染著心。是空觀心。是恭敬心。是卑下心。是無雜亂心。是無見取心。是無上菩提心。是當知如是等心。卽是陀羅尼相貌。汝當依此而修行之。大梵王言。我等大眾。今始識此陀羅尼相貌。從今受持。不敢忘失。

觀世音言。若喜男子。喜女人。誦此持神咒者。發廣大菩提心。誓度一切眾生。身持齋戒。於諸眾生起平等心。常誦此咒。莫令斷絕。住於淨室。澡浴清淨。著淨衣。

服懸燭。燃燈香華百味飲食。以用供養。制心一處。更
 莫異緣。如法誦持。是時當有日光菩薩。月光菩薩。與
 無量神仙。來為作證。益其效驗。我時當以千眼。照見
 千手護持。從是以往。所見世間經書。悉能受持。一切
 外道法術。韋陀典籍。亦能通達。誦持此神咒者。世間
 八萬四千種病。悉皆治之。無不差者。亦能使令一切
 鬼神。降諸天魔。制諸外道。若在山野。誦經坐禪。有諸
 山精雜魅魍魎鬼神。橫相惱亂。心不安定者。誦此咒

一遍。是諸鬼神。悉皆被縛也。若能如法誦持。於諸眾
 生。起慈悲心者。我時當勅一切善神龍王。金剛密跡。
 常隨衛護。不離其側。如護眼睛。如護己命。說偈勅曰。

我遣密跡金剛士。	烏芻君荼養俱尸
八部力士賞迦羅。	常當擁護受持者
我遣摩醯那羅延。	金毗羅陀迦毗羅。
常當擁護受持者。	我遣婆馱婆樓羅。
滿喜車鉢真陀羅。	常當擁護受持者。

我遣薩遮摩和羅
 常當擁護受持者。
 應德毗多薩和羅。
 我遣梵摩三鉢羅。
 常當擁護受持者。
 大辯功德婆怛那。
 我遣提頭賴吒王。
 常當擁護受持者。

鳩闍單吒半祇羅。
 我遣畢婆伽羅王。
 常當擁護受持者。
 五部淨居炎摩羅。
 我遣釋王三十三。
 常當擁護受持者。
 神母女等大力眾。
 我遣毗樓勒叉王。

毗樓博叉毗沙門。
 我遣金色孔雀王。
 常當擁護受持者。
 散支大將弗羅婆。
 我遣難陀跋難陀。
 常當擁護受持者。
 迦樓緊那摩睺羅。
 我遣水火雷電神。

常當擁護受持者。
 二十八宿大仙眾。
 我遣摩尼跋陀羅。
 常當擁護受持者。
 婆伽羅龍伊鉢羅。
 我遣修羅乾闥婆。
 常當擁護受持者。
 鳩槃荼王毗舍闍。

常當擁護受持者

是諸喜神及神龍王神母女等。各有五百眷屬。大力
 夜。又常隨擁護。誦持大悲神咒者。其人若在空中山曠
 野。獨宿孤眠。是諸喜神。番代宿衛。辟除災障。若在深
 山。迷失路途。誦此咒。故喜神龍王。化作善人。示其正
 道。若在山林曠野。乏少水火。龍王護故。化出水火。觀
 世音菩薩。復為誦持者。說消除災禍清涼之偈。

若行曠野山澤中。逢值虎狼諸惡獸。

蛇虺精魅魍魎鬼。	聞誦此咒莫能害。
若行江湖滄海間。	毒蛇蛟龍摩竭獸。
夜叉羅刹魚鼈鼉。	聞誦此咒自藏隱。
若逢軍陣賊圍繞。	或被惡人奪財寶。
至誠稱誦大悲咒。	彼起慈心復道歸。
若為王官收錄身。	囹圄禁閉桎枷鎖。
至誠稱誦大悲咒。	官自開恩釋放還。
若入野道蠱毒家。	飲食有藥欲相害。

至誠稱誦大悲咒。

毒藥變成甘露漿。

女人臨難生產時。

邪魔遮障苦難忘。

至心稱誦大悲咒。

鬼神退散安樂生。

惡龍疫鬼行毒氣。

熱病侵陵命欲終。

至心稱誦大悲咒。

疫病消除壽命長。

龍鬼流行諸毒腫。

癰瘡膿血痛叵堪。

至心稱誦大悲咒。

三唾毒腫隨口消。

眾生濁惡起不善。

厭魅咒咀結怨讐。

至心稱誦大悲咒。

厭魅還著於本人。

惡生濁亂法滅時。

淫欲火盛心迷倒。

棄背妻孥外貪染。

晝夜邪思無暫停。

若能稱誦大悲咒。

淫欲火滅邪心除。

我若廣讚咒功力。

一切稱揚無盡期。

爾時觀世音菩薩告梵天言。誦此咒五遍。取五色線作索。咒二十一遍。結作二十一結。繫項。此陀羅尼。是過去九十九億恆河沙諸佛所說。彼等諸佛為諸行。

人修行六度未滿足者。速令滿足。故未發菩提心者。速令發心。故若聲聞人未證果者。速令證。故若三千大千世界內諸仙人。未發無上菩提心者。速令發心。故若諸眾生未得大乘信根者。以此陀羅尼威神力。故令其大乘種子。法芽增長。以我方便慈悲力。故令其所須。皆得成辦。

又三千大千世界。幽隱闇處。三塗眾生。聞我此咒。皆得離苦。有諸菩薩。未階初住者。速令得。故乃至令得

十住地。故又令得到佛地。故自然成就三十二相八十隨形好。若聲聞人聞此陀羅尼一經耳者。修行書寫此陀羅尼者。以質直心如法而住者。四沙門果。不求自得。若三千大千世界內。山河石壁。四大海水。能令湧沸。須彌山及鐵圍山。能令搖動。又令碎如微塵。其中眾生。悉令發無上菩提心。

若諸眾生。現世求願者。於三七日。淨持齋戒。誦此陀羅尼。必果所願。從生死際。至生死際。一切惡業。並皆

滅盡三千大千世界內一切諸佛菩薩梵釋四天王
 神仙龍王悉皆證知。若諸天人誦持此陀羅尼者。其
 人若在江河大海中沐浴。其中眾生得此人沐身之
 水。霑著其身。一切惡業重罪悉皆消滅。即得轉生他
 方淨土。蓮華化生。不受胎身溼卵之身。何況受持讀
 誦者。若誦持者行於道路。大風時來吹此人身毛髮
 衣服。餘風下過諸類眾生。得其人飄身風吹著身者。
 一切重罪惡業。並皆滅盡。更不受三惡道報。常生佛

前當知受持者。福德果報不可思議。

誦持此陀羅尼者。口中所出言音。若善若惡。一切天
 魔外道。天龍鬼神。聞者皆是清淨法音。皆於其人起
 恭敬心。尊重如佛。

誦持此陀羅尼者。當知其人。卽是佛身藏。九十九億
 恆河沙諸佛所愛惜故。當知其人。卽是光明藏。一切
 如來光明照故。當知其人。是慈悲藏。恆以陀羅尼救
 眾生故。當知其人。是妙法藏。普攝一切諸陀羅尼門。

故當知其人是禪定藏。百千三昧皆現前。故當知其人是虛空藏。常以空慧觀眾生。故當知其人是無畏藏。龍天鬼神常護持。故當知其人是妙語藏。口中陀羅尼音無斷絕。故當知其人是常住藏。三災惡劫不能壞。故當知其人是解脫藏。天魔外道不能稽留。故當知其人是藥王藏。常以陀羅尼療眾生病。故當知其人是神通藏。遊諸佛國得自在。故其人功德讚不可盡。

善男子。若復有人厭世間苦。求長生樂者。在閒淨處。清淨結界。咒衣著。若水。若食。若香。若藥。皆咒一百八遍。服必得長命。若能如法結界。依法受持。一切成就。其結界法者。取刀咒二十一遍。劃地為界。或取淨水。咒二十一遍。散著四方為界。或取白芥子。咒二十一遍。擲著四方為界。或以想到處為界。或取淨灰。咒二十一遍為界。或咒五色綫二十一遍。圍繞四邊為界。皆得。若能如法受持。自然剋果。若聞此陀羅尼名字。

者。尚滅無量劫生死重罪。何況誦持者。若得此神咒誦者。當知其人已曾供養無量諸佛。廣種善根。若能為諸眾生拔其苦難。如法誦持者。當知其人。即是具大悲者。成佛不久。所見眾生。皆悉為誦。令彼耳聞。與作菩提。因是人功德。無量無邊。讚不可盡。

若能精誠用心。身持齋戒。為一切眾生懺悔先業之罪。亦自懺謝無量劫來種種惡業。口中馭馭誦此陀羅尼。聲聲不絕者。四沙門果。此生即證。其利根有慧。

觀方便者。十地果位。剋獲不難。何況世間小小福報。所有求願。無不果遂者也。若欲使鬼者。取野鶻。髣淨洗。於千眼像前設壇場。以種種香華飲食。祭之。日日如是。七日必來現身。隨人使令。若欲使四天王者。咒檀香燒之。由此菩薩大悲願力深重故。亦為此陀羅尼威神廣大故。

佛告阿難。若有國土災難起時。是土國王。若以正法治國。寬縱人物。不枉眾生。赦諸有過。七日七夜身心

精進誦持如是大悲心陀羅尼神咒。令彼國土一切
災難悉皆除滅。五穀豐登。萬姓安樂。又若為於他國
怨敵。數來侵擾。百姓不安。大臣謀叛。疫氣流行。水旱
不調。日月失度。如是種種災難起時。當造千眼大悲
心像。面向西方。以種種香華。幢幡寶蓋。或百味飲食。
至心供養。其王又能七日七夜。身心精進。誦持如
是陀羅尼神妙章句。外國怨敵。即自降伏。各還政治。不
相擾惱。國土相通。慈心相向。王子百官。皆行忠赤。如

石綠女。孝敬向王。請龍鬼神。擁護其國。雨澤順時。果
實豐饒。人民歡樂。又若家內。遇大惡病。百怪競起。鬼
神邪魔。耗亂其家。惡人橫造口舌。以相謀害。室家大
小。內外不和者。常向千眼大悲像前。設其壇場。至心
念觀世音菩薩。誦此陀羅尼。滿其千遍。如上惡事。悉
皆消滅。永得安隱。

阿難白佛言。世尊。此咒名何。云何受持。佛告阿難。如
是神咒。有種種名。一名廣大圓滿。一名無礙大悲。一

名救苦陀羅尼。一名延壽陀羅尼。一名滅惡趣陀羅
 尼。一名破惡業障陀羅尼。一名滿願陀羅尼。一名隨
 心自在陀羅尼。一名速超上地陀羅尼。如是受持。
 阿難白佛言。世尊。此菩薩摩訶薩。名字何等。善能宣
 說如是陀羅尼。佛言。此菩薩名觀世音自在。亦名撻
 索。亦名千光眼。喜男子。此觀世音菩薩。不可思議威
 神之力。已於過去無量劫中。已作佛竟。號正法明如
 來。大悲願力。為欲發起一切菩薩。安樂成熟諸眾生。

故現作菩薩。汝等大眾諸菩薩摩訶薩。梵釋龍神。皆
 應恭敬。莫生輕慢。一切人天。常須供養。專稱名號。得
 無量福。滅無量罪。命終往生阿彌陀佛國。

佛告阿難。此觀世音菩薩所說神咒。真實不虛。若欲
 請此菩薩來。咒拙具羅香三七遍燒。菩薩即來。拙具
 安息香也。

若有猶兒所著者。取娑哩吒那燒作灰。和淨土泥。捻
 作猶兒形。於千眼像前。咒鎖鐵刀子一百八遍。段段

割之亦一百八段。遍遍一咒。一稱彼名。即永差不著。

貓兒頭骨也

若為蠱毒所害者。取藥劫布羅和拙具羅香各等分。

以井華水一升和煎。取一升於千眼像前。咒一百八

遍服。即差。藥劫布羅龍腦香也

若為惡蛇蠍所螫者。取干姜末。咒一七遍。着瘡中。立

即除差。

若為惡怨橫相謀害者。取淨土。或麵或蠟。捻作本形。

於千眼像前。咒鑊鐵刀一百八遍。一咒一截。一稱彼名。燒盡一百八段。彼即歡喜。終身厚重相愛敬。

若有患眼睛壞者。若青盲眼暗者。或白暈赤膜無光明者。取訶梨勒果。菴摩勒果。鞞醯勒果。三種各一顆。

搗破細研。當研時。惟須護淨。莫使新產婦人及猪狗見。口中念佛。以白蜜若人乳汁和封眼中。著其人乳。

要須男孩子母乳。女母乳不成。其藥和竟。還須千眼像前。咒一十八遍。着眼中。滿七日。在深室。慎風。眼睛

還生青盲白暈者。光奇盛也。

若患瘧病者。取虎豹豺狼皮。咒三七遍。披著身上。即差。獅子皮最上。

若被蛇螫。取被螫人結臍。咒三七遍。著瘡中。即差。中垢也。

若患惡瘧入心。悶絕欲死者。取桃膠一顆。大小亦如桃。清水一升。和煎。取半升。咒七遍。頓服盡。即差。其藥莫使婦人煎。

若患傳屍鬼氣。伏屍鬼病者。取拙具羅香。咒三七遍。燒薰鼻孔中。又取七丸如兔糞。咒三七遍。吞即差。慎酒肉五辛及惡罵。若取摩那屎羅和白芥子。印成鹽。咒三七遍。於病兒床下燒。其作病兒。即魔孽逃走。不敢住也。摩那屎羅雄黃也。

若患耳聾者。咒胡麻油。著耳中。即差。

若患一邊偏風。耳鼻不通。手脚不隨者。取胡麻油。煎青木香。咒三七遍。摩拭身上。永得除差。又方。取純牛

酥咒三七遍摩亦差

若患難產者取胡麻油咒三七遍摩產婦臍中及玉門中即易生

若婦人懷妊子死腹中取阿波木利伽草一大兩清水二升和煎取一升咒三七遍服即出一無苦痛胎衣不出者亦服此藥即差阿波木利伽草牛膝草也

若卒患心痛不可忍者名遁屍症取君桂魯香乳頭成者一顆咒三七遍口中嚼咽不限多少令變吐即

差慎五辛酒肉君桂魯香薰陸香也

若被火燒瘡取熱隗摩表咒三七遍塗瘡上即差熱隗摩表牛屎也

若患蛔蟲齧心取骨魯木遮半升咒三七遍服即差重者一升蟲如綖索出來骨魯木遮白馬屎也

若患疔瘡者取凌霄葉搗取汁咒三七遍灑著瘡上即拔根出立差凌霄葉即紫葳葉

若患蠅螫眼中骨魯但佉濾取汁咒三七遍夜卧著

眼中。即差。新骨魯但佳
驢屎也

若患腹中痛。和井華水。和印成鹽三七顆。咒三七遍。服半升即差。

若患赤眼者。及眼中有努肉。及有翳者。取奢奢彌葉。搗取汁。咒三七遍。浸青錢一宿。更咒七遍。著眼中。即差。奢奢彌葉
枸杞葉也

若患畏夜不安。恐怖出入驚怕者。取白綫作索。咒三七遍。作二十一結繫項。恐怖即除。非但除怖。亦得滅

罪

若家內橫起災難者。取石榴枝。寸截一千八段。兩頭塗酥酪蜜。一咒一燒。盡一千八遍。一切災難悉皆除滅。要在佛前作之。

若取白菖蒲。咒三七遍。繫著右臂上。一切關處論義處皆得勝他。

若取奢奢彌葉。枝柯寸截。兩頭塗真牛酥白蜜牛酥。一咒一燒。盡一千八段。日別三時。時別一千八遍。滿

七日咒師自悟通智也

若欲降伏大力鬼神者。取阿唎瑟迦柴。咒七七遍。火中燒。還須塗酥酪蜜。須要於大悲心像前作之。阿唎瑟迦柴。木志子也。

若取胡噓遮那一大兩。著瑠璃瓶中。置大悲心像前。咒一百八遍。塗身點額。一切天龍鬼神。人及非人。皆悉歡喜也。胡噓遮那。牛黃也。

若有身被枷鎖者。取白鴿糞。咒一百八遍。塗於手上。

用摩伽鎖。枷鎖自脫也

若有夫婦不和。狀如水火者。取鴛鴦尾。於大悲心像前。咒一千八遍。帶彼。即終身歡喜相愛敬。

若有被蟲食田苗。及五果子者。取淨灰淨沙。或淨水。咒三七遍。散田苗四邊。蟲即退散也。果樹兼咒水。灑著樹上。蟲不敢食果也。

佛告阿難。若為富饒種種珍寶資具者。當於如意珠手。

若為種種不安。求安隱者。當於罽索手。

若為腹中諸病者。當於寶鉢手。

若為降伏一切魍魎鬼神者。當於寶劍手。

若為降伏一切天魔神者。當於跋折羅手。

若為摧伏一切怨敵者。當於金剛杵手。

若為一切處怖畏不安者。當於施無畏手。

若為眼闇無光明者。當於日精摩尼手。

若為熱毒病求清涼者。當於月精摩尼手。

若為榮官益職者。當於寶弓手。

若為諸喜朋友早相逢者。當於寶箭手。

若為身上種種病者。當於楊枝手。

若為除身上惡障難者。當於白拂手。

若為一切喜和眷屬者。當於胡瓶手。

若為辟除一切虎狼豺豹諸惡獸者。當於旁牌手。

若為一切時處好離官難者。當於鐵斧手。

若為男女僕使者。當於玉環手。

若為種種功德者。當於白蓮華手。

若為欲得往生十方淨土者。當於青蓮華手。

若為大智慧者。當於寶鏡手。

若為面見十方一切諸佛者。當於紫蓮花手。

若為地中伏藏者。當於寶篋手。

若為仙道者。當於五色雲手。

若為生梵天者。當於軍持手。

若為往生諸天宮者。當於紅蓮華手。

若為辟除他方逆賊者。當於寶戟手。

若為招呼一切諸天善神者。當於寶螺手。

若為使令一切鬼神者。當於鬘腰杖手。

若為十方諸佛。速來授手者。當於數珠手。

若為成就一切上妙梵音聲者。當於寶鐸手。

若為口業辭辯巧妙者。當於寶印手。

若為毒神龍王常來擁護者。當於俱尸鐵鉤手。

若為慈悲覆護一切眾生者。當於錫杖手。

若為一切眾生常相恭敬愛念者當於合掌手。

若為生生之處不離諸佛邊者當於化佛手。

若為生生世世常在佛宮殿中不處胎藏中受身者當於化宮殿手。

若為多聞廣學者當於寶經手。

若為從今身至佛身菩提心常不退轉者當於不退金輪手。

若為十方諸佛速來摩頂授記者當於頂上化佛手。

若為果麻諸穀稼者當於葡萄手。

如是可求之法有其千條今粗略說少耳。

日光菩薩為受持大悲心陀羅尼者說大神咒而擁護之。

南無勃陀瞿那迷 南無達摩莫訶低 南無僧伽

多夜泥 底哩部畢薩咄擔納摩

誦此咒滅一切罪亦能辟魔及除天災若誦一遍禮佛一拜如是日別三時誦咒禮佛未來之世所受身

處當得一一相貌端正可喜果報。

月光菩薩亦復為諸行人說陀羅尼咒而擁護之。

深低帝。屠蘇吒。阿若蜜帝。烏都吒。深耆吒。波

賴帝。耶彌若吒。烏都吒。拘羅帝吒。耆摩吒。沙

婆訶。

誦此咒五遍。取五色綫作咒索。痛處繫。此咒乃是過

去四十恆河沙諸佛所說。我今亦說為諸行人作擁

護。除一切障難故。除一切惡病痛故。成就一切諸

善法故。遠離一切諸怖畏故。

佛告阿難。汝當深心清淨。受持此陀羅尼。廣宣流布

於閻浮提。莫令斷絕。此陀羅尼能大利益三界眾生。

一切患苦縈身者。以此陀羅尼治之。無有不差者。此

大神咒。咒乾枯樹。尚得生枝柯華果。何況有情有識

眾生。身有病患。治之不差者。必無是處。

善男子。此陀羅尼威神之力。不可思議。不可思議。數

莫能盡。若不過去久遠已來。廣積善根。乃至名字不

可得聞。何況得見汝等大眾天人龍神。聞我讚歎。皆應隨喜。若有謗此咒者。卽為謗彼九十九億恆河沙諸佛。若於此陀羅尼。生疑不信者。當知其人。永失大利。百千萬劫。常輪惡趣。無有出期。常不見佛。不聞法。不覩僧。一切眾會菩薩摩訶薩。金剛密跡。梵釋四王。天龍鬼神。聞佛如來讚歎此陀羅尼。皆悉歡喜奉教修行。

千手千眼觀世音菩薩廣大圓滿無礙大悲心陀羅

尼經終

附大悲印訣

凡誦咒時。以兩手合掌。二大指相交叉。右手大指交左手食指根。左手大指加右手大指節間。是為大悲印。每誦咒一遍。至第一娑婆訶句。從小指起。指縫徐徐開放。自後每誦一娑婆訶句。則以次而及無名指縫。中指縫。食指縫。漸漸放開。至結處。誦南無喝囉怛那哆囉夜耶句。將二中指一交屈右

手中指搭左手中指外縫。左手中指搭右手中指內縫。誦南無阿喇耶句。又將二中指一交。屈右手中指搭左手中指內縫。左手中指搭右手中指外縫。誦娑盧吉帝爍嚩夜娑婆訶句。則兩手縫合緊如初。是為大悲訣。

附千手千眼法寶真言圖



如意珠手
經曰若為富饒種種
珍財資具者當於此
手眼

真言
吒。嚩。日。囉。嚩。嚩。嚩。吽。發

寶劍手

經曰。若為降服一切魍魎
鬼神者。當於此手眼。




真言

唵。帝。勢。帝。惹。觀。尾。停。觀。
提。婆。馱。野。吽。發。吒。

跋折羅手

經曰。若為降伏一
切天魔鬼神者。當於
此手眼。



真言

唵。你。陛。你。跋。野。摩訶室
哩。曳。薩。嚩。賀。

金剛杵手

經曰。若為摧伏一切怨
敵者。當於此手眼。

真言

唵。嚩日囉祇。唵。鉢囉你
鉢多野。薩嚩賀。



施無畏手

經曰。若為一切處怖畏
不安。求安隱者。當於
此手眼。

真言


唵。日囉曩野。吽。吽。吽。



日精摩尼手

經曰若為眼睛無光
眼求光明者當於此手

真言
唵。度。比。迦。野。度。比。鉢。囉
嚩。哩。嚩。薩。嚩。賀。



月精摩尼手

經曰若為熱毒病求
清涼者當於此手眼

真言
唵。蘇。悉。地。揭。哩。薩。嚩。賀。





寶弓手

經曰。若為榮官益職者。當於此手眼。

真言
唵。阿左尾。嚩。薩。嚩。賀。



寶箭手

經曰。若為諸善朋友。早相逢者。當於此手眼。

真言
唵。迦摩。囉。薩。嚩。賀。



揚枝手

經曰若為除身上種
眼種病惱者當於此手


真言
唵。蘇。志。地。迦。哩。嚩。哩。哆
喃。哆。目。哆。曳。嚩。日。囉。嚩。哆
日。囉。畔。馱。賀。曩。賀。曩。吽
洋。吒



白拂手

經曰若為除滅身上
一切忌障難者當於
此手眼

真言
唵。鉢。娜。弭。儻。婆。嚩。帝。
謨。賀。野。惹。嚩。賀。薩
嚩。賀




胡瓶手

經曰。若為一切善和
眷屬者。當於此手
眼。

真言

唵。揭。隸。穆。滿。焰。薩。嚩。賀。



旁牌手

經曰。若為辟除一切虎
狼豺豹諸惡獸者。當
於此手眼。

真言

唵。藥。葛。鈇。曩。那。野。戰。捺
囉。達。耨。播。哩。野。跋。舍。跋
舍。薩。嚩。賀。



鉞斧手

經曰若為一切時處
好雜官難者當於
此手眼

真言


唵。味囉野。味囉野。薩。嘽
賀。

玉環手

經曰若為求男女及
僕使者當於此手眼

真言

唵。鉢。娜。鉢。味囉野。薩。嘽
賀。




白蓮花手

經曰若為成就種
種功德者當於此
手眼

真言

唵。嚩日囉。味囉野。薩嚩
賀。



青蓮花手

經曰若為欲得往生
十方淨土者當於此
手眼


真言

唵。枳哩枳哩。嚩日囉。部
嚩畔。馱畔。洋吒。



寶鏡手

經曰若為得大智
慧者當於此手眼。



真言

唵。尾薩普囉。那囉葛叉。
嚩日囉曼荼囉。吽泮吒。

紫蓮花手

經曰若為面見十方
一切諸佛者當於此
手眼。



真言

唵。薩囉薩囉。嚩日囉迦。
吽泮吒。



寶篋手

經曰若為得地中伏
藏者當於此手眼

真言

唵。嚩日囉播室迦哩揭
曩斜囉吽。



五色雲手

經曰若為成就天仙
道者當於此手眼

真言

唵。嚩日囉迦哩囉吒斛
吒。


軍持手瓶淨手者

經曰若為求生諸梵

天者當於此手眼

真言

唵。嚩日囉。勢法嚩吒斜



紅蓮花手

經曰若為求生諸

天宮者當於此手

真言

唵。商揭囉薩嚩賀



寶戟手

經曰若為辟除他方
逆賊怨敵者當於此
手眼。

真言

唵。糝。昧。野。祇。儻。賀。哩。吽。
泮。吒。



寶螺手

經曰若為招呼一切
諸天喜神者當於此
手眼。

真言

唵。商。揭。隸。摩。賀。糝。滿。焰。
薩。嚩。賀。





觸髀杖手

經曰若為使令一切鬼神者當於此手眼。

真言

唵。度。曩。嚩。日。囉。嚇。



數珠手

經曰若為十方諸佛速來授手者當於此手眼。

真言

曩。謨。囉。怛。曩。怛。囉。夜。野。
唵。阿。那。婆。帝。尾。惹。曳。志。
地。悉。馱。唵。替。薩。嚩。賀。

寶鐸手

經曰若為成就一切上妙梵音聲者當於此手眼。



真言

曩謨鉢娜斜播拏曳唵。阿密唎擔儼陞室哩曳。室哩貼哩傳薩嚩賀。

寶印手

經曰若為一切口業辭辯巧妙者當於此手眼。



真言

唵嚩日囉傳捨惹唵薩嚩賀。

俱尸鐵鉤手

經曰。若為善神
龍王帝來擁護
者當於此手眼。

真言

唵。阿。嚩。嚩。哆。囉。迦。囉。尾
沙。曳。曩。謨。薩。嚩。賀。




錫杖手

經曰。若為慈悲
覆護一切衆生
者當於此手眼。

真言

唵。那。唵。替。那。唵。替。那。唵
吒。鉢。底。那。唵。帝。娜。夜。鉢
儻。吽。泮。吒。





合掌手

經曰。若為一切
 衆生。常相恭敬
 愛念者。當於此
 手眼。

真言

唵。鉢。納。曼。惹。陵。訶。哩。



化佛手


經曰。若為生生之
 處。不離諸佛邊者。
 當於此手眼。

真言

唵。戰。娜。囉。婆。捨。吒。哩。
 哩。娜。祇。哩。娜。祇。哩。拏。呼。迦。
 泮。吒。

化宮殿手

經曰。若為生生世世。常在諸佛宮殿中。不受胎。藏受身者。當於此手眼。



真言

唵。微。薩囉微。薩囉。吽。津。

寶經手

經曰。若為多聞廣學。者。當於此手眼。



真言


唵。阿。賀。囉。薩。囉。嚩。尼。你。
野。馱。囉。布。你。帝。薩。嚩。賀。

金輪手

經曰若為從今身至佛
身善菩提心常不退轉者
當於此手眼

真言

唵。設那弭左薩嚩賀。



頂上化佛手

經曰若為十方諸佛
速來摩頂授記者當
於此手眼

真言

唵。嚩日哩尼嚩日嚩瑟
薩嚩賀。





葡萄手

經曰。若為果。麻諸
 穀。椽者。當於此手
 眼。

真言

唵。阿摩羅釗帝你。薩
 縛。賀。



甘露手

經曰。若為令一切。饑渴
 有情。得清涼者。當於
 此手眼。 (補遺)

真言

唵。素嚕素嚕。鉢囉素嚕。
 鉢囉素嚕。素嚕素嚕。野
 薩。嚩。賀。



總攝千臂手
 經曰若為能伏三千大千
 世界怨魔者當於此手
 眼 (補遺)

真言
 怛你也他嚩路枳諦溼
 嚩囉野薩婆咄瑟吒鳴
 賀弭野娑嚩賀

右經藏本教刻共四十手并經中未及未
 于手共真言四十二則俱無為恐二十九未
 以刻本附入並將四十二實手印恭列圖說
 成全璧

影印千手千眼觀世音菩薩廣大圓滿無礙大悲心陀羅尼經因緣：

有人欲尋慈密士，於圓滿千萬遍大悲心陀羅尼，發無妙深心，詢究大悲經典所出，惟於善寺善佛一
 法印處，獲觀一古本手書白裝一具大悲心陀羅尼經，讀得者，喜不自勝。竊念觀世音菩薩，悲憫利
 海，於娑婆世界，及東方淨土，其地說轉陀羅尼，以大悲心咒，慈悲獨尊。惟在宋四明尊者法智大師，依
 天台教統，創二大悲心陀羅尼及一大悲懺儀，以化世人俱知編咒禮懺，普對本身傳說大悲心陀羅尼
 經，故此一部藏密聖經無上和妙經典，隱藏於大藏經室部中，十七年來，不能普為慈世一切眾生，作大利
 樂，殊深可惜。竊感此經男已發心，今發心，當發心者之方便成就，悉皆不可思議；復不忍現世諸善信之
 祈受持懺練，及向肆自道，發起集資影印千五百部結緣，更承請大德隨喜贊助，從付真銜圖式。故據就
 古印本與大藏及顯密藏架立參考，修補補缺，改正錯漏，原本所印千手千眼大悲觀世音菩薩聖像及四十二
 法寶真言圖，亦皆引於經，唯入於正，三禮於觀世音菩薩壇前，然後付梓，以昭鄭重。伏冀威神之力，
 因此經之流通，得永滅眾生之惡業，但轉末世之超運，是則懷悲愍而救之所祝禱者也。

抑有古者，本師釋迦如來，說法四十九年，法經三百餘會，然解說一經，必同說一咒，是經是咒，
 悉從法身無相心中流出，厥理冥行，不二不異，豈非經無以釋咒之總持，非咒無以契佛之秘要，以受荼羅
 疏云：一念如來之神咒，二心暗契如來心，無念慮之當言，願願受持；慈愍，何生死的不逃，何涅槃而不得。
 滿持是理者，唯願觀世音菩薩慈悲加護！